

LA USC DI LADINS – VENERDÌ 31 GENNAIO 2014

Storia di ladins

En mercuri ai 5 de forà dales 20.50 él da odèi sòn la RAI Ladinia le documentar "Storia di Ladins 1°: L'orì de na popolaziun". Al é n documentar de Michael Wachtler y Hubert Schöneegger, sot la regia y produziun de Mediateam.

Scenar, ert y cultura tla Ladinia

En jöbia ai 6 de forà dales 20.50 él da odèi sòn la RAI Ladinia na ediziun nöia de Scenar, cun argomènc che à da fà cun scultöra y pitöra. La trasmisciun é metüda adöm da Karin Pizzinini, cun la produziun de Jan Piere Karbon.

Hubert Adang: Bel anfat éi material che al pëia ite, al é bun da le trasformè te laürs scialdi interessanc y inçe plütosc critics, sce an va a ciarè plü sot. Da sü edli sprinzel fora na gran vëia de vire, a chëra che al ti dà espresciun cun de vigni sort de ogec che al fej, cun le ciantè y cun süa gran pasciun, le jorè.

Viktor Senoner: L'artist da Urtijëi à bele tres albü na grandiscima pasciun por le depënje, che ti dê la poscibilitè de lascè gnì fora so amur y süa amiraziun por les belëzes dla natöra. Imparè àl da osservè y copié i chedri da inlaôta, che é stà scialdi importanc por so svilup artistich.

Helmut Pizzinini: L'artist badiot é rové n püsura döt le monn, y sües esperiënzes se respidlëia te sü laürs, che va dala restrotoraziun de ciasas ala proietaziun de cianoes de vin, de urc, de termes, fina a rové al singul oget, la scoltöra, che é davëi n concentrat de süa gran creativité.

Chësta trasmisciun é sostignida dala Rai Ladina en colaoraziun cun l'Assessorat ala Cultura Ladina dla Provincia de Balsan y dala Regiun Trentino-Südtirol. Informaziuns plü menüdes söi programs radio y TV Ladina pon ciafè sòn www.raibz.rai.it, olache la trasmisciun é inçe da odèi por n'edema alalungia.